



**ODBOJKAŠKI SAVEZ
FEDERACIJE BOSNE I HERCEGOVINE**

P R A V I L N I K

**O TEHNIČKIM NORMATIVIMA ZA ODIGRAVANJE
ODBOJKAŠKIH UTAKMICA U SPORTSKIM DVORANAMA**

Tuzla, _18.06.2022. godine

Na osnovu člana 50. Statuta Odbojkaškog saveza FBiH, Upravni odbor OS FBiH, na sjednici održanoj 18.06.2022. godine, usvojilo je:

**PRAVILNIK
O TEHNIČKIM NORMATIVIMA ZA ODIGRAVANJE
ODBOJKAŠKIH UTAKMICA U SPORTSKIM DVORANAMA**

Član 1.

Odbojkaške utakmice mogu se igrati samo u dvoranama koje dobiju certifikat od takmičarskog organa OS FBiH.

Član 2.

Sportska dvorana mora da odgovara svim normama iz Pravila igre Međunarodne odbojkaške federacije /FIVB/ i ovom Pravilniku.

Član 3.

Teren-prostor za igru je pravougaonik dimenzije 18 x 9 metara, okružen slobodnom zonom koja je sa svake strane široka najmanje 3 metra.

Slobodan prostor za igru je prostor iznad terena i slobodne zone u kome nema nikakvih prepreka.

Prostor za igru mora biti slobodan najmanje 7 metara u visinu iznad podloge za igru.

Za utakmice takmičenja iz nadležnosti OS FBiH mora biti obilježen prostor za zagrijavanje 3 x 3 m koji se nalazi u produžetku klupa za rezervne igrače, a iza zamišljenog produžetka osnovnih linija.

Član 4.

Prostor za igru-pod mora biti od drveta ili sintetičkog materijala, ali ne hrapav /neravan/ i mora biti izdvojen od gledališta.

Član 5.

Linije terena treba da su svijetle i jednoobrazne.

Linije ostalih sportova treba da budu odsječene na svakoj tački ukrštanja sa linijama odbojkaškog terena.

Član 6.

Stubovi za mrežu moraju biti obli i ukopani u pod, a udaljenost između stubova i bočne linije mora biti 50-100 cm.

Stubovi moraju biti obloženi sunderom (odgovarajuće debljine) da bi se izbjegle povrede i to 1,5 m od poda pa na više.

Visina mreže za seniorske ekipe iznosi:

-Muškarci -243 cm.

-Žene -224 cm.

Član 7.

Osvjetljenje u dvorani, iznad prostora za igru, mora da bude jačine najmanje 300 luksa, a temperatura ne smije biti manja od +10 stepeni.

Član 8.

Sudijska platforma mora dozvoljavati da sudija sjedi ili stoji tako da njegov pogled bude oko 50 cm iznad gornje ivice mreže.

Član 9.

Semafor za registraciju rezultata je obavezan.

Obavezan je ručni semafor koji mora biti na zapisničkom stolu.

Ručni semafor mora imati tehničke uslove da u svakom trenutku pokazuju tačan rezultat utakmice (poeni i setovi).

Ručni semafor mora biti veličine 50 x 25 cm, sa brojevima za poene od 0 - 49. Veličina brojeva ne smije biti manja od 20 cm. Sa strana tih brojeva moraju se po pravilu nalaziti manji brojevi za pokazivanje setova.

Član 10.

Sto za zapisničara postavlja se na suprotnoj strani od sudijske platforme na udaljenosti najmanje 3 metra od bočnih linija terena.

Član 11.

Klupe za rezervne igrače i trenere, jedne i druge ekipe, nalaze se lijevo i desno od zapisničkog stola, izvan slobodnog prostora za igru.

Član 12.

U sastavu objekta, dvorane, mora da se nalaze: dvije svlačionice za ekipe učesnice takmičenja; jedna svlačionica za sudije; kancelarija za održavanje tehničkog sastanka i sačinjavanje protokola poslije utakmice i dva kupatila sa WC-om. Kupatila moraju imati toplu i hladnu vodu, a sve ove prostorije moraju biti adekvatno zagrijane i higijenski uredne.

Član 13.

Po svim pitanjima koja nisu regulisana ovim Pravilnikom, primjenjuju se Zvanična pravila odbojke i Propozicije takmičenja.

Član 14

Klubovi koji se takmiče u federalnim ligama dužni su u cjelosti ispuniti odredbe ovog Pravilnika.

Član 15

Tumačenje ovog Pravilnika daje Upravni odbor OS FBiH.

Član 16

Pravilnik stupa na snagu danom donošenja.

Stupanjem na snagu ovog Pravilnika stavlja se van snage Pravilnik broj: 1238- 06/20 od 24.6.2020. godine.

Broj: 1802-06/22

Tuzla, 19.06.2022. godine

PREDSJEDNIK

Dr.sci. Miloš Jelčić